

Na osnovu člana 13. stav 3. Zakona o sportu Bosansko – podrinjskog kantona Goražde ("Službene novine Bosansko – podrinjskog kantona Goražde", broj: 8/11), Ministarstvo za obrazovanje, nauku, kulturu i sport, *donosi*:

PRAVILNIK

O VOĐENJU REGISTRA PRAVNIH I FIZIČKIH LICA U OBLASTI SPORTA NA NIVOU BOSANSKO – PODRINJSKOG KANTONA GORAŽDE

Član 1.

Ovim Pravilnikom propisuje se oblik i sadržaj Registra pravnih i fizičkih lica u oblasti sporta na nivou Bosansko – podrinjskog kantona Goražde i način vođenja Registra.

Član 2.

(1) Pravna lica u oblasti sporta na nivou Bosansko – podrinjskog kantona Goražde (u daljnjem tekstu: sportske organizacije) su:

- a) sportski klub na nivou općine u sastavu Bosansko – podrinjskog kantona Goražde u određenom sportu,
- b) sportski savez na nivou općine u sastavu Bosansko – podrinjskog kantona Goražde u određenom sportu,
- c) sportski savez na nivou Bosansko – podrinjskog kantona Goražde u određenom sportu,
- d) sportski klub lica sa invaliditetom na nivou općine iz sastava Bosansko – podrinjskog kantona Goražde,
- e) sportski savez za sport i rekreaciju lica sa invaliditetom na nivou općine iz sastava Bosansko – podrinjskog kantona Goražde,
- f) sportski savez za sport i rekreaciju lica sa invaliditetom na nivou Bosansko – podrinjskog kantona Goražde,
- g) udruženje sportske rekreacije na nivou općine iz sastava Bosansko – podrinjskog kantona Goražde,
- h) sportski savez sportske rekreacije na nivou općine iz sastava Bosansko – podrinjskog kantona Goražde,
- i) sportski savez sportske rekreacije na nivou Bosansko – podrinjskog kantona Goražde,
- j) udruženje stručnih lica na nivou općine iz sastava Bosansko – podrinjskog kantona Goražde, u određenom sportu,
- k) udruženje stručnih lica na nivou Bosansko – podrinjskog kantona Goražde u određenom sportu,
- l) udruženje koje se prema svojim registrovanim djelatnostima na nivou općine is sastava Bosansko – podrinjskog kantona Goražde bave sportskom djelatnosti u određenom sportu.

(2) Sportske organizacije na nivou Bosansko – podrinjskog kantona Goražde stiču svojstvo pravnog lica upisom u registar udruženja i fondacija koji vodi Ministarstvo za pravosuđe upravi i radne odnose Bosansko – podrinjskog kantona Goražde su skladu sa Zakonom o udruženjima i fondacijama Federacije Bosne i Hercegovine ("Službene novine Federacije BiH", broj 45/02), ako je prethodno izdata saglasnost Ministarstva za obrazovanje, nauku, kulturu i sport o ispunjenosti uvjeta propisanih članom 24. Zakona o sportu Bosansko – podrinjskog kantona Goražde (u daljnjem tekstu: Zakon).

(3) Pravo obavljanja sportskih aktivnosti i djelatnosti, sportska organizacija na nivou Bosansko – podrinjskog kantona Goražde stiče nakon upisa u Registar pravnih i fizičkih lica u oblasti sporta na nivou Bosansko – podrinjskog kantona Goražde (u daljnjem tekstu: Registar) koji vodi Ministarstvo za obrazovanje, nauku, kulturu i sport (u daljnjem tekstu: Ministarstvo), a koji postojeća pravna lica iz stava (1) ovog člana trebaju izvršiti u roku od tri mjeseca od dana stupanja na snagu ovog Pravilnika a novoformirana u roku od 15 dana od dana upisa u registar udruženja i fondacija koji vodi Ministarstvo za pravosuđe upravu i radne odnose Bosansko – podrinjskog kantona Goražde.

(4) Sportske organizacije i fizička lica koji su definirani Zakonom, a nisu obuhvaćene stavom (1) ovog člana, registriraju se u skladu sa Zakonom o udruženjima i fondacijama Federacije Bosne i Hercegovine i Zakonom.

Član 3.

(1) Registar na nivou Bosansko – podrinjskog kantona Goražde je javan.

(2) Svako lice ima pravo uvida u podatke upisane u Registar i zbirku isprava propisanu ovim Pravilnikom, osim uvida u lične podatke lica ovlaštenih za zastupanje sportske organizacije.

(3) Uvid u Registar i zbirku isprava obavlja se uz prisustvo lica zaduženog za vođenje Registra.

(4) Prepisivanje podataka iz zbirke isprava može se izuzetno dopustiti licu koje ima pravni interes.

Član 4.

(1) Registar se vodi elektronski i u pisanom obliku.

(2) Pod pisanim oblikom vođenja Registra podrazumijeva se upis sportskih organizacija na nivou Bosansko – podrinjskog kantona Goražde u tvrdo koričenu knjigu formata B3 na čijoj se naslovnoj stranici upisuje naziv: Ministarstvo za obrazovanje, nauku, kulturu i sport Bosansko – podrinjskog kantona Goražde, Registar pravnih i fizičkih lica u oblasti sporta na nivou Bosansko – podrinjskog kantona Goražde, Knjiga ____.

(3) Uz Registar vodi se zbirka isprava u pisanom obliku.

Član 5.

(1) Registar se sastoji od registarskog lista u koji se upisuju podaci za svaku sportsku organizaciju na nivou Bosansko – podrinjskog kantona Goražde posebno.

(2) Svaki registracioni uložak obilježava se posebnim brojem sportske organizacije na nivou Bosansko – podrinjskog kantona Goražde.

(3) Registarski list iz stava 1. ovog člana sadrži za svaki upis posebno podatke iz člana 6. ovog Pravilnika, sa sljedećim izgledom:

Redni broj	Registarski broj	Datum upisa	Naziv sportske organizacije	Skraćeni naziv	Sjedište (ulica i broj)
	1	2	3	4	5
	Telefon i email	Područje djelovanja	Ciljevi osnivanja sportske organizacije na nivou BPK Goražde	Vrsta sportske aktivnosti i sportske djelatnosti	Privredna djelatnost
	6	7	8	9	10
	Lice ovlašteno za zastupanje i predstavljanje	Izvori sredstava za ostvarivanje aktivnosti	Način obavljanja stručnog rada (broj stručnog kadra, zvanje, selekcije sa kojim radi)	Broj i datum akta upisa u registar	Promjene upisanih podataka
	11	12	13	14	15

(4) Prije početka upisivanja na unutrašnjoj naslovnoj strani knjige ovjerava se broj strane i označava datum ovjere na način da se upiše „Ovaj registar sadrži ukupno _____ stranica“.

(5) Ovjera se potvrđuje pečatom Ministarstva i potpisom ovlaštenog lica.

Član 6.

U Registar se upisuju sljedeći podaci sportske organizacije na nivou Bosansko – podrinjskog kantona Goražde:

1. redni broj,
2. registarski broj,
3. datum upisa,
4. naziv,
5. skraćeni naziv,
6. sjedište (ulica i broj),
7. telefon i email,
8. područje djelovanja,
9. ciljevi osnivanja sportske organizacije,
10. vrsta sportske aktivnosti i sportske djelatnosti,
11. privredna djelatnost,
12. lica ovlaštena za zastupanja (ime, prezime i svojstvo),
13. izvor sredstava za ostvarivanje aktivnosti,
14. način obavljanja stručnog rada (broj stručnog kadra, zvanje, selekcije sa kojim radi),
15. broj i datum akta upisa u registar,
16. promjene upisanih podataka.

Član 7.

(1) Registarski broj sportske organizacije na nivou Bosansko – podrinjskog kantona Goražde je broj koji je svakoj sportskoj organizaciji dodijeljen pri upisu u Registar.

(2) Jednom dodijeljen broj sportskoj organizaciji na nivou Bosansko – podrinjskog kantona Goražde neće se mijenjati, niti će nakon prestanka sportske organizacije biti dodijeljen nekoj drugoj sportskoj organizaciji.

Član 8.

(1) Jednoj sportskoj organizaciji na nivou Bosansko – podrinjskog kantona Goražde ne smije se dodjeljivati više registarskih brojeva.

(2) Rješenje o upisu u Registar sadrži registarski broj, kao i podatke iz člana 6. ovog Pravilnika.

Član 9.

(1) Registarski broj sportske organizacije na nivou Bosansko – podrinjskog kantona Goražde sastoji se od jedinstvenog klasifikacionog znaka Ministarstva; broja koji se određuje šifarnikom za vrstu sporta kojom se bavi sportska organizacija, te rednog broja pod kojim se upisuje u Registar.

(2) Redni broj određuje Ministarstvo po redoslijedu otvaranja registarskog uloška počev od 01.

(3) Sastavni dio ovog Pravilnika je šifarnik iz stava 1 ovog člana.

Upis u Registar sportskih organizacija na nivou Bosansko – podrinjskog kantona Goražde

Član 10.

(1) U Registar upisuju se sportske organizacije na nivou Bosansko – podrinjskog kantona Goražde koje su propisane članom 2. stav 1. ovog Pravilnika.

(2) Zbirka isprava vodi se za svaku sportsku organizaciju na nivou Bosansko – podrinjskog kantona Goražde upisanih u Registar.

(3) Na omotu zbirke isprava upisuje se naziv sportske organizacije na nivou Bosansko – podrinjskog kantona Goražde i registarski broj pod kojim je upis obavljen.

(4) Zbirka isprava sadrži: zahtjev za upis u Registar, odnosno za upis promjena, ovjeren statut odnosno izmjene i dopune statuta, zapisnik o radu i odlukama nadležnog organa, odluke sportskih klubova o dobrovoljnom udruživanju u sportski savez na nivou Bosansko – podrinjskog kantona Goražde u određenom sportu u skladu sa članom 24. Zakona, lice ovlašteno za zastupanje i predstavljanje, rješenje o upisu u registar udruženja i fondacija koje donosi Ministarstvo za pravosuđe, upravu i radne odnose Bosansko – podrinjskog kantona Goražde.

Član 11.

Zahtjev za upis u Registar predaje se Ministarstvu nakon upisa sportske organizacije na nivou Bosansko – podrinjskog kantona Goražde u registar udruženja i fondacija koji vodi Ministarstvo za pravosuđe, upravu i radne odnose Bosansko – podrinjskog kantona Goražde u skladu sa Zakonom o udruženjima i fondacijama Federacije Bosne i Hercegovine ("Službene novine Federacije BiH", broj 45/02), a u skladu sa članom 2. stav 2. ovog Pravilnika.

Član 12.

(1) Zahtjev za upis u Registar podnosi ovlašteno lice sportske organizacije na nivou Bosansko – podrinjskog kantona Goražde na Obrascu broj 1- Zahtjev za upis u Registar, koji se nalazi u prilogu 1 ovog Pravilnika.

(2) Sportska organizacija na nivou Bosansko – podrinjskog kantona Goražde je dužna da uz zahtjev priloži sve dokaze koji su navedeni ispod odgovarajuće rubrike zahtjeva i to: odluke sportskih klubova o dobrovoljnom udruživanju u sportski savez na nivou Bosansko – podrinjskog kantona Goražde u određenom sportu u skladu sa članom 24. Zakona, zapisnik o radu sa odlukama osnivačke skupštine, statut, imena lica ovlaštenih za zastupanje, rješenje o upisu u registar udruženja i fondacija koje donosi Ministarstvo za pravosuđe, upravu i radne odnose Bosansko – podrinjskog kantona Goražde.

(3) Prilozi se podnose u originalu ili ovjerenom prepisu.

Član 13.

Zahtjev za prvi upis u Registar potpisuje lice koje se ovlasti na osnivačkoj skupštini sportske organizacije na nivou Bosansko – podrinjskog kantona Goražde.

Upis promjena u Registar

Član 14.

(1) Sportska organizacija na nivou Bosansko – podrinjskog kantona Goražde prijavljuje promjenu statuta, naziva, sjedišta, ciljeva i djelatnosti, imena ovlaštenih lica za zastupanje i prestanak rada sportske organizacije na Obrascu broj 2 - Zahtjev za upis promjena u Registar, koji se nalazi u prilogu 2 ovog Pravilnika.

(2) Podnosilac zahtjeva dužan je da priloži sve dokaze koji su navedeni ispod odgovarajuće rubrike zahtjeva i to: zapisnik o radu skupštine, novi statut ili njegove izmjene i dopune, odluka o promjenama nadležnog organa sportske organizacije, rješenje o upisu promjena u registar udruženja i fondacija koje donosi Ministarstvo za pravosuđe, upravu i radne odnose Bosansko – podrinjskog kantona Goražde.

(3) Ministarstvo vrši upis promjena navedenih u stavu 1. ovog člana i o tome izdaje rješenje.

Član 15.

(1) Zbirke isprava propisane ovim Pravilnikom čuvaju se trajno.

(2) Podaci upisani u Registar vođeni elektronski, jednom sedmično upisuju se u Registar koji se vodi u pisanom obliku kao sigurnosna kopija, na način utvrđen u članu 4. i 5. ovog Pravilnika.

(3) Lice ovlašteno za vođenje Registra dužno je da čuva Registar i zbirku isprava kako bi ih zaštitio od zloupotrebe, oštećenja i uništenja.

Član 16.

Ukoliko sportska organizacija na nivou općine u sastavu Bosansko – podrinjskog kantona Goražde ili na nivou Bosansko – podrinjskog kantona Goražde u osnivačkom aktu i statutu propisuje da će obavljati i privrednu djelatnost, shodno članu 37. Zakona, dužna je da za registraciju obavljanja takve djelatnosti priloži i saglasnost Ministarstva.

Član 17.

(1) Zahtjevi iz ovog Pravilnika podnose se Ministarstvu u jednom primjerku.

(2) Obrasci se popunjavaju čitko, štampanim slovima.

(3) Podaci koji su upisani u rubrike obrasca moraju biti istovjetni s odredbama statuta, odlukama, odnosno zaključcima organa sportske organizacije na nivou Bosansko – podrinjskog kantona Goražde na koju se podaci odnose.

Član 18.

Ovaj Pravilnik stupa na snagu danom donošenja a naknadno će se objaviti u "Službenim novinama Bosansko – podrinjskog kantona Goražde".

MINISTRICA

Broj:10-02-3468/11
Goražde, 18.10.2011 godine

mr. sci. *Alma Delizaimović*

Na osnovu člana 9. Pravilnika o upisu u registar sportskih organizacija na nivou Bosansko – podrinjskog kantona Goražde, broj 10-02-3468/11 od 18. 10. 2011. godine, **utvrđuje se:**

ŠIFRARNIK

Član 1

Ovim šifrnikom utvrđuje se način formiranja registarskog broja sportskih organizacija na nivou Bosansko – podrinjskog kantona Goražde pod kojima se upisuju u Registar pravnih i fizičkih lica u oblasti sporta na nivou Bosansko – podrinjskog kantona Goražde (u daljnjem tekstu: Registar) i predstavlja osnovu za jedinstvenu bazu podataka.

1.	Jedinstveni klasifikacioni znak Ministarstva za obrazovanje, nauku, kulturu i sport	
2.	Vrsta sporta kojom se bavi sportska organizacija na nivou bosansko – podrinjskog kantona Goražde:	
-	aikido	01
-	atletika	02
-	auto - moto	03
-	badminton	04
-	biciklizam	05
-	bob	06
-	boćanje	07
-	bodi bilding i fitnes	08
-	boks	09
-	dizanje tegova	10
-	džudo	11
	điu đica	12
	fudbal	13
-	gimnastika	14
-	golf	15
-	hokej	16
-	hrvanje	17
-	jedrenje	18
-	kajak kanu i rafting	19
-	karate	20
-	karling	21
-	kik boks	22
-	klizanje	23
-	konjički sport	24
-	košarka	25
-	kuglanje	26
-	mačevanje	27
-	misaone igre	28

-	odbojka	29
-	planinarstvo	30
-	plivanje	31
-	podvodni sportovi	32
-	ragbi	33
-	rukomet	34
-	skijanje	35
-	sportski ples	36
-	sportska rekreacija	37
-	sportski ribolov	38
-	stoni tenis	39
-	streličarstvo	40
-	streljaštvo	41
-	šah	42
-	tekvon do	43
-	tenis	44
-	triatlon i moderni pentatlon	45
-	vaterpolo	46
-	vazduhoplovstvo	47
-	veslanje	48
-	vušu/kung fu	49
-	para - olimpijski sportovi	50
-	specijalna olimpijada	51
-	sportovi za gluhe i nagluhe	52
-	sportovi za slijepe i slabovidne osobe	53
-	Sportska rekreacija lica sa invaliditetom	54

Član 2.

(1) RegistarSKI broj sportske organizacije na nivou Bosansko – podrinjskog kantona Goražde pod kojim se upisuje u Registar formira se na taj način što se iza jedinstvenog klasifikacionog znaka Ministarstva () dodaje broj vrste sporta utvrđeni u članu 1. ovog šifrnika, i redni broj pod kojim se upisuje sportska organizacija.

(2) Ukoliko se formira sportska organizacija na nivou Bosansko – podrinjskog kantona Goražde nove vrste sporta, a koja nije zastupljena ovim šifrnikom, dodjeljuje se sljedeći redni broj.

Član 3.

Ovaj šifrnik predstavlja sastavni dio Pravilnika o upisu u registar sportskih organizacija na nivou Bosansko – podrinjskog kantona Goražde.

Broj:10-02-3468-1/11
Goražde, 18.10.2011 godine

MINISTRICA

mr. sci. *Alma Delizaimović*

BOSNA I HERCEGOVINA
FEDERACIJA BOSNE I HERCEGOVINE
BOSANSKO – PODRINJSKI KANTONA GORAŽDE
MINISTARSTVO ZA OBRAZOVANJE, NAUKU, KULTURU I SPORT

ZAHTJEV

ZA UPIS SPORTSKIH ORGANIZACIJA NA NIVOU BOSANSKO – PODRINJSKOG
KANTONA GORAŽDE U REGISTAR

Podnosi:

1.	Naziv sportske organizacije na nivou Bosansko – podrinjskog kantona Goražde i skraćen naziv (sjedište, adresa, broj telefona i email)
2.	Datum održavanja osnivačke skupštine
3.	Lice ovlašteno za zastupanje i predstavljanje (ime, prezime, svojstvo, JMB, adresa stanovanja)
4.	Ciljevi osnivanja sportske organizacije na nivou Bosansko – podrinjskog kantona Goražde
5.	Vrsta sportske aktivnosti (obučavanje, trening, rekreativna aktivnost i <i>sportske priredbe</i> – sportske takmičenja i sportske manifestacije)

6.	Vrsta sportske djelatnosti (obučavanje, planiranje i vođenje fizičkog vježbanja, sportsko sudenje, organiziranje sportskih priprema i takmičenja, poslovi stručnog usavršavanja, informiranje i stručne usluge)

7.	Područje djelovanja

8.	Način sticanja sredstava

9.	Stručni kadar (broj, zvanje, selekcije sa kojim rade)

10.	Privredna djelatnost kojom se sportska organizacija bavi

- Prilog:
1. Zapisnik o radu i odlukama osnivačke skupštine
 2. Odluka o udruživanju na nivou Bosansko – podrinjskog kantona Goražde
 3. Saglasnost Ministarstva za obrazovanje, nauku, kulturu i sport o usklađenosti sa članom 24. Zakona o sportu Bosansko – podrinjskog kantona Goražde ("Službene novine Bosansko – podrinjskog kantona Goražde", broj: 8/11),
 4. Rješenje o upisu u registar Ministarstva za pravosuđe, upravi i radne odnose Bosansko – podrinjskog kantona Goražde
 5. Statut
 6. Odluka o davanju ovlaštenja za zastupanje i predstavljanje (ime i prezime, godine i mjesto rođenja, adresa prebivališta i JMB)

Broj:

Datum:

M.P.

(ime, prezime i potpis ovlaštenog lica)

**BOSNA I HERCEGOVINA
FEDERACIJA BOSNE I HERCEGOVINE
BOSANSKO – PODRINJSKI KANTONA GORAŽDE
MINISTARSTVO ZA OBRAZOVANJE, NAUKU, KULTURU I SPORT**

ZAHTJEV

ZA UPIS PROMJENA U SPORTSKIM ORGANIZACIJAMA NA NIVOU
BOSANSKO – PODRINJSKOG KANTONA GORAŽDE U REGISTAR

Podnosi:

1.	Naziv sportske organizacije na nivou Bosansko – podrinjskog kantona Goražde (i skraćen naziv (sjedište, adresa, broj telefona i email)	Registarski broj Ministarstva za obrazovanje, nauku, kulturu i sport

2.	Datum donošenja Odluka ili izmjene i dopune statuta sportske organizacije na nivou Bosansko – podrinjskog kantona Goražde

3.	Vrste izmjena i dopuna

- Prilog:**
1. Zapisnik o radu skupštine
 2. Odluka o promjenama nadležnog organa
 3. Novi ili izmijenjeni statut
 4. Rješenje o upisu promjena u registar udruženja i fondacija koje donosi Ministarstvo za pravosuđe, upravu i radne odnose Bosansko – podrinjskog kantona Goražde

Broj:

Datum:

M.P.

(ime, prezime i potpis ovlaštenog lica)